



# DREAMNEWS

---

Salut;

Hei ass en éischt Liewenszeechen vun de Scouten. No der langer Summerpaus huele mir un dass Du Dëch nees vun de Strapazen vum Summercamp erblosen hues, an datt Deng Bobo'en verheelt sinn.

D'Schoul ass nees am Grëff ( wien huet wien ?) an ët ass un der Zeit fir nees dat grénzt Hiem aus dem Schaaf ze huelen. Mir hoffen dass du dech gutt erholl hues an en **Denschdeg den 5. Oktober um 18.45** Auer, also zu der gewinntener Zait, am Home bei eis bass, wou mir déi **eischt Versammlung vum Scoutsjoer 99/00** ofhaalen an wou' s du Iwerbleck kriss waat alles am nächsten Joer leeft. Mir zielen op deng Präsenz! Bréng och alles mat , waat's Du vun der vergaangener Saison u Filmer Dia'en a Foto'en hues. Fir nees a Stëmmung ze kommen wëllen mir als éischt emol e Réckbléck op eis't Schaffen an der lëschter Saison maachen. An Du wees jo wéi viirwëtzeg mir Cheffen sinn.

*Mat beschte Scoutsgréiss,  
D'Chefféquipe vum Grupp St. Martin Duelem*

---

## Hei emol traditionungeméis de Réckbléck iwer d' Scoutsjoer 1998/99

- D'Enn vum Summer as agelaut gin wéi d'**Chefféquipe** Samsdegs den 19te September 1998 de **Kongress** vun den LGS an den 20ten September de **Cheffdag** zu Dideléng matgemaacht huet.
- De 4ten Oktober hun mir eis an de gréngen Hiermer un der **journée de commémoration** zu Duelem an un der **Rousekranzprozessioun** zu Elveng / Eimereng bedeelegt éier mir
- den 6ten Oktober 1998 fir Explorer a Pionniéier déi **éischt Versammlung** vun der neier Saison haten,
- Samsdegs de 17ten Oktober 98 hun de Stanislas an de Philip an der Piscine olympique um Kiirchbiérg hir **Montée bei d'Explorer** gemacht. Dat ganzt gouf duerno am Home mat enger Spaghettisfriess gefeiert.
- Dönschdegs de 27ten Oktober 98 waren nees typesch **Hierschtaktivitéiten** ungesoot, beim Carlo hannert dem Haus hu mir Äppel an Drauwen zu Jus gekeltert an , am klengen Campuewen goufen Äppeltaarten gebaak.
- Den 20ten November war den alljährlechen **Rendez-vous vun den Explorercheffen** um Neihaisgen, besonnesch frouh ware mir datt déi éischte Kéier Nowuescheffen vun eis an der Persoun vum Valerie a vum Tim derbei waren;
- Samsdegs den 28ten November huet ët am Home gutt no Dannennolen gericht, de ganze Grupp huet zesummen sou vill **Adventskränz** wéi nach nie gebastelt, dobei hun mir eis nëmmen vum Klés'chen mat sengen Tiitercher stéieren geloost,
- Den 21 ten Dezember 1998 si mir mat eisen daitsche Frënn vun de Perler Scouten op Réiser gefuer fir **d'Friddensliichtfeier** 98 matzeerliwen an eis dat Liicht mat an eis Dierfer ze bréngen
- An deenen läschten Deeg viru Krëschttag huet de Jang mat de Pio'en déi schéin nei **Krëppchen** an der Duelemer Kiirch opgeriicht
- Op helleg Owend si mir nomëttes an e puer Equippen duerch eis Dierfer gefuer fir eng Kärz mam **Friddensliicht a selwer gebake Kichelcher** un al a krank Mënschen ze verschenken, fir esou duerch déi gemeinsam Flaam mat hinnen verbonnen ze sinn
- Trotz dem Steve sengem Totalausfall no sengem schwéieren Aarbechtsonfall hunn mir vum 26ten bis zum 29ten Dezember 98 um Kuelbëcherhaff e flotte **Wantercamp** ënnert dem Thema "Survival" erliewt. Dat war nëmme méiglech well d'Val an den Tim an d'Monique spontan bereet waren mat unzepaken fir ze hëllefen . Hinnen nach e grouse Merci duerfir.

- Den 20te Februar 99 hu mir nees **Faakelen fabrizéiert**, déi owens bei Marsch op der JAC hiirt Buurgbrennen zu Fëlschdref mat méih oder manner Succès zum Asatz koumen.
- De 27ten an 28te Februar 99 war Kultur ugesoot. Mir hun op Fëlschdref op eisen **Teater** invitéiert. Eis Wëllëfcher hun mat de "Pämpersrocker" brilléiert während sëch d'Explorer mam "Raiber Knëppelbatti" méih schwéier gedon hun. Duerfir haten d'Pio'en mat de gespillte Videoclips "die Verteidiger des Blödsinns" an "Bohemian Rhapsodie" an dem Sketsch "Initiativ Liesensufank" d'Laachen op hirer Sait. Besonnesch bemierkenswert ass, dat sëch nom Teater d'Laurence gemellt huet, fir an eiser Chefféquipe matzemaachen. Do so nach een Teater wär eng brotlose Kunst.
- En Dënschdeg 2te März 99 hu mir dem ganze Grupp an eiser Amicale Rendez-vous gin zu Fëlschdref an der Schoul, fir bei Spaghetti a Geburtsdagskuch de **6te Geburtsdag** vun eisem Scoutsgrupp ze feieren.
- Den 18te März hu mir mat Scouten vun alle Branchen zu Fëlschdref an der Kiirch een vu de **Kraizwéer** an der Faaschtenzeit gehalten;
- Den 19te März hat eis Amicale **d'Chefféquipe op e gudde Maufel** op Welfréng invitéiert. Do hu mir d'Kraaft getankt fir de Rescht vun der Saison
- Den 30te März hu mir eis vun der Organisatioun **TRANSFAIR** an engem flotte Rollespill an d'Zesummenhäng vu fairem/ onfairem Handel an Armut an der 3ter Welt aféiere geloos. Geléiert hun mir dobei, datt d'Kaffibounen gemolt an ausgeschnidde musse gin. A wien hätt dat geduecht?
- Vum 1ten op den 2ten Abrëll waren bei der **Aktioun Getsemani** eng Reih Explorer zesummen fir bei Nuetsmarsch, Veillée an harder kierperlëcher Aarbecht am Bësch dem Jesus a senger schwéierster Stonn nozegoen an dem Grupp eppes Guddes ze doen.
- Op Ouschtersamsdeg ( 3ten Abrëll 99) hu mir eis, no der Ouschternuetsfeier mat de Pio'en an d'Schoul zu Fëlschdref zeréckgezun, fir bei der "**Resurrection party**" eiser Ouschterfreed op eng eegen Art a Weis Ausdrock ze ginn.
- De 17ten Abrëll 99 hu mir eis mat enger ganz staarker Delegatioun vu Scouten un der **grousser Botz** vun der Gemeng Duelem bedeelegt. A wou mir schons beieneen waren hu mir dunn nach bis Sondes owens dru gehang fir um **Technikeweekend** an a beim Home, e puer Scoutstechniken nei ze léieren oder ze verdéiwen ( Orientatioun, Konstruktioun).
- Den 25ten Abrëll 99 ware mir schons fréih um Dill. Ëm 3:45 Auer hu mir eis zu Hesper Rendez-vous ginn, fir zesummen mat Gebied a Geschnëss beim **Pélé des jeunes** an d'Stad ze pilgeren. No der Mass hu gudd Leit fir eis nach eng gudd Taas Kaffi an e puer Bréidercher organiséiert. ( Wann's de ee kenns deen eppes kann...).

- Den 12te Mee louch Aarbecht an der Luucht. Vill Hänn hu mat ugepakt an owens ass eis 6t Editioun vun der **Playback-show** iwert Bühn gang. Nuets hu mir zu dacks beim Material op der Wiss geschloof fir als Wuechthondersatz ze billen.
- Sou konnt den 13te Mee eis **Scoutskirmes** gefeiert ginn. D'Mass déi mir zu Duelem gesanglech gestaltet hun huet gewisen, datt mir esouguer sange kënnen , wann et muss sinn. D'Wierder huet matgespillt, an sou konnten all Aktivitéiten, Restauratioun, Kannerspiller sou wéi de Rally vun der Amicale zur allgemenger Zefriddenheet ( besonnesch dem Simone senger) duerchgezunn ginn.
- Den 16te Mee sinn eis Wëllefcher mat op Miersch gefuer fir bei herrlechem Wieder mat villen 100 aneren Wëllef den nationale **WIWEL-Rally** matzeerliwen.
- Schlussendlech sinn all Efforten op de **Summercamp** konzentréiert gin, deen ënnert dem Thema " Warra-moo-run-gee, Dreamtime 99" vum 14ten bis den 25te Juli zeitweis bal 60 Scouten vun eisem Grupp um Misärshaff zesummebruecht huet.
- Wann's Du bei dëss Aktivitéiten **30 Versammlungen, 4 Grupperéit an 11 Cheffversammlungen** oder Visites sur les lieux derbei rechs, dann leit d'Scoutsjoer 98/99 virun Dir. Domat hate mir eis eng schöpferesch Paus an der Vakanz dach verdéngt , oder nëtt ?

## " Natur fir Muer "

No "**Nei Frenn**" waat Thema vun de leschten 2 Scoutsjoer waar ,ass dest Joer "**Natur fir Muer**" als Thema gewielt gin."**Natur fir Muer**",een flott Thema oder heieren ech schon Leit dei vun deem Thema net esou iwerzeecht sin well et net esou an hiiren Interessenbereich fällt? Mee do ass och schon d'Leisung vum Probleem,een Thema ass emmer esou interessant wéi een et mecht(an wann et engem Proff oder Schoulmeeschter schon net gelengt een Thema interessant ze gestalten,mir probeieren trotzdem daat ze maachen,fir dass mir alleguer Spass hun an gleichzeiteg duerch verschidden Aktiounen un dei mir schon geduecht hun (Wanderwéer ze botzen an néi unzeleen,Aktioun propper Baachen...) eiser Emwelt eppes guddes doen.

"**Natur fir Muer**" ass een groussen weit dehnbaren Begrëff deen iwer d'Planzen, d' Déieren bis hin zur Loftverschmutzung an den Baachen alles mat anschleisst.Fir eis Natur awer nett onneideg ze belaschten kennen mir alleguer mathellefen andeem mir beim recycleieren hellefen.Wann nach een vun Iech nach eng gutt Idee huet oder eng Plaaaz wees wou miir eis soss nach keinten an der Natur netzlech maachen dann kenn Dir eis daat jo mol viirschloen. Well wann mir als Scouten eis net em d' Natur kemmeren wien soll et dann maachen?